


路麗明 編

民國時期醫藥衛生文獻集成
31


 上海科學技術文獻出版社



路麗明 編

民國時期醫藥衛生文獻集成

第三十一冊

 上海科學技術文獻出版社

第三十一册目錄

京漢鐵路防疫始末記	李遂賢編	民國七年（一九一八）鉛印本	一
隴海鐵路防疫之經過	朱森基編	民國二十一年（一九三二）鉛印本	三九
徐州防疫委員會工作報告	江蘇省立徐州民眾教育館編	江蘇省立徐州民眾教育館民國二十一年	
（一九三二）鉛印本			一三七
天津特別市公署二十七年夏季防疫報告（上）	天津市衛生局編	天津市衛生局民國二十七年	
（一九三八）鉛印本			一九五

京漢鐵路防疫始末記



京漢鐵路防疫始末記

小識

民國七年一月晉北疫癘流行迅疾。京漢一路。西接太原。適當衝要。爲南北之扼。自一月中旬開始防疫。至四月中旬竣事。始終未延及。而運輸亦未稍滯。經營急劇。蓋歷三月有餘時。局長王公兆熙副局長水公孟賡。遂賢承命作記。綜述大要。詳細頗未克盡也。李遂賢謹誌

京漢鐵路防疫始末記

第一編 辦理情形

吳縣李遂賢仲都編

一 防疫辦法大概情形

民國七年一月中旬。晉北發生疫癘。由綏遠歸化包頭一帶。傳入大同朔平。蔓延所至。駭向東南。本路南北中權。西鄰晉省。占交通上重要位置。當疫之初起。北部震驚。傳聞中外。本路適當衝要。更爲視綫之所集。默察當時情勢。軍運商運。在在皆關緊要。力顧交通。自宜及早防遏。而鐵路爲交通樞紐。關於防疫之設備。應極周詳。施行又宜迅速。而對於旅客商貨營業各方面。更須兼籌並顧。既應遏止疫氣之侵入。又不得過於紛擾。致涉張皇。且鐵路以便利商旅發達營業爲宗旨。

遇有意外影響。商旅固重感不便。營業亦蒙其損失。防疫影響甚大。因應維持。所以減輕影響者。惟視乎分別計畫。以冀補偏救弊於萬一。此本路辦理防疫之前提。開辦之初。以組織本路防疫會。集中討論。爲監督指揮之機關。自一月十九夜召集緊急會議。事成立。所有關於防疫設備事項。次第規畫。併力進行者。除分詳報告外。綜其大端。如分派中外醫員。爲檢查治療之設備。區劃防疫段落。爲就車檢驗就站檢驗留所檢驗之設備。關於檢驗者。有查驗車隔離車檢驗所留驗所及消毒巡行隊衛生警察之設備。關於治療者。有醫藥車防疫院之設備。關於公共衛生者。有車輛車站消毒清潔之設備。關於杜絕疫萌者。有工場防疫區間專車及停運靈柩之設備。而分別暫停開車暫停售票。尤爲臨時緊急設備。此外便利客商之設備。如檢驗憑單代管行李津貼膳費礦員憑照購票押貨棧夥之取締。或優待。或限制。皆關於防疫補助之設備。以上各辦法。皆按諸時事變遷之必要。應機立斷。隨時變更。以期確收實效。其他如附近各站村邑之調查。醫員之講演。直接間接。爲慎重防疫化除畛域。以利進行之設備。防疫爲醫務之事。而綜計防疫之實施。關於車務工務機務會計各部分。無在不同力合作。至警務之維持。地方之協助。相需亦切。自一月中旬疫症初起。卽日著手防範。日嚴一日。二月中旬最爲急迫。又越月餘。始稍寧靖。防疫逐漸解嚴。至四月中旬。疫氛全戢。種種設備。始完全撤銷。此本路辦理防疫三月餘之大致情形。

也。其經過詳細情形。於左列各項簡舉之。

二 本路防疫會組織情形

一月十九夜召集緊急會議。組織本路防疫會。公推王局長爲會長。水副局長車務處錢處長爲副會長。藝務秘書畢福賴通譯課課長金國寶爲秘書。北京醫院管理員黎樹榮及本路西醫貝熙葉梅尼史普緒陸長樂等爲會員。合力舉辦關於防疫一切事宜。成立後。閱時三月有餘。共經會議二十餘次。所有議決事項。隨時分別宣布實行。

附本局防疫事務所組織情形

防疫事務所爲總務處。臨時設立辦理防疫之機關。由總務處處長指派華洋文收發員各一員。掌管關於防疫文件之收發並案卷之編存保管事項。至關於防疫文電之撰譯。則由各課專員共同擔任之。

三 醫員之任用分派情形

隨車駐站各醫員。本路各段原設醫員。不敷分布。臨時添聘中西醫員分派於防疫各段。如北京良鄉琉璃河高碑店保定望都正定石家莊高邑鴨鵝營等站。均經添聘醫員。專任防疫。漢口亦酌添醫員辦理檢驗事務。此外各站。由原有醫員兼任之。其消毒夫等。亦經規定人數。臨時雇用。

均截至四月二十日撤銷爲止。所有各醫員分列如下。

一、臨時添聘防疫各醫員 巴西曼 伍宗裕 徐佐銘 陳岫青 張恩成 衛儀來 王奎元 英格蘭 魁文山 戴曾鑑 陳泰謙 白爾商 張鳳藻 文練頓 韓國檀 李克森 江亞蘭

二、本路兼辦防疫各醫員 黎樹榮 史普緒 施秉常 陸長樂 梁景昌 黃維青 宋廷瑞 關衍輝 馮國寶 梅尼 貝熙葉 周貴生

四 防疫計畫之實施視疫勢爲變更情形

本路防疫段落之區劃及檢驗留驗各辦法。隨疫勢爲變更。所有進行狀況。假定爲四時期如左。

一、自一月中旬晉北疫起。本路得有各方面警報。立即籌擬辦法。嚴防其侵入路綫。是時注重隨車及站上檢驗。爲第一時期。

二、迨一月二十六日疊接各處電告。距正定石家莊兩站不及百里之平山縣栢嶺村地方。有來自歸化者三人。染疫而死。繼之者七十餘人。疫氛漸近。必須積極防遏。是時注重站上檢驗而兼及留驗。是爲第二時期。

三、迨二月初旬以後。定州盧家莊高邑東塔營村。亦發現疫症。死者多人。保定順德間遂成有

疫區域。是時防範愈嚴。注重留驗。是爲第三時期。

四、至三月初旬。各方面報告。疫勢稍輕。三月十五日以後。大勢益趨於平靖。留驗辦法。逐漸改減。至四月二十日。各站防疫設備。始一律撤銷。是爲第四時期。

如右之四時期。爲防疫辦法之標準。其間規定各項。除分詳章程廣告外。所有詳細情形。順序簡舉於下。

五 第一時期辦理防疫情形

(自一月中旬開辦至下旬之初)

分電地方及鐵路協助。電陳交通部轉請內務部派醫員前往晉直交通各大路。如西甯廣昌阜平平山等縣地方。堵截檢驗。電請正太路醫員。將疫病情形。每日電告本路。

本路防疫會組織成立。詳見上。

常駐檢驗醫員之分布。北京保定石家莊三站。爲晉直交通重要地點。各派醫生駐站檢驗。遇有染病搭客。禁止上車。由警務人員並本路巡警護送至隔離處診驗。並於必要時。就地設立隔離所。

隨車檢驗醫員之分布。區分北京至保定爲第一段。保定至石家莊爲第二段。各派醫員隨車

往返檢視。遇有染病或疑似染病人及死亡屍體。立即將該車輛隔離消毒。病人由本路醫員診察。

設消毒巡行隊五隊。由醫員指揮來往梭巡。

醫生報告。派出各醫生隨時將檢查一切報告於本路防疫會。以便統籌辦法。

車站車輛消毒。車輛車站候車室月台。凡旅客所經之處。力求清潔。每日特別嚴重消毒。二等車尤注意隨處增置痰盂。內置木屑及消毒藥水。並隨處張貼簡明廣告。嚴禁隨處吐痰。違者由警干涉。各站及車上消毒事宜。由醫生督率消毒夫辦理。使用消毒藥水石灰一切方法。均經預先教導。隨時指示改良。以期合法。如石灰宜於背日陰濕之處。消毒水於車上使用。應在到站乘客下車之後。掃除塵埃之先。遍為灑布。再行掃除淨盡。以清水洗滌之。方免塵埃飛揚。為傳染之媒介。若如尋常辦法。先掃除而後灑布。適背消毒原理。凡此皆考查所得。隨時飭令遵辦。

停運靈柩。以防疫期內為限。

廣告防疫。將疫症預防辦法。遍張廣告於站上車上。以便旅客細讀照行。收公共衛生之效。

通飭全路員司注重公共衛生事項。遇有附近居民或員役患病。隨時電陳本路防疫會。以便妥籌一切。

各站修建廁所。據各醫員報告。隨時分令修建。嚴加清潔。

製備油衣面罩。分發防疫醫員人等隨時服用。

漢口設備檢驗車隔離車。南段各站亦經分飭駐站各醫員一體勤加查驗。嗣准漢口英工部局函請。以漢口防疫委員會已成立。要求本路另備疫車。當經另設檢驗車及隔離車。於跑馬廠左近本路岔道處。加派醫員。切實查驗。所需器具藥料一切。一律設備完全。

新易枝路暫行停車。梁格莊距晉較近。於一月二十三日起暫行停車。

石家莊保定順德布置檢驗所及防疫院。所有旅客由石家莊搭車者。須在該所中留驗若干日。（日數詳後）。如於留驗期內。旅客實有染疫形迹。當即扣留。不准購票乘車。旅客在防疫院時。每人由局津貼火食三角。受驗時行李之照管。由站長助理之。旅客由疫區搭正太車來石家莊轉本路者。雖經該路驗明無疫。仍須與普通旅客一律留驗。（各站留驗日期詳後）。

列車加掛查驗車一輛至三四輛。又醫藥車一輛。車分兩部。一為隔離室。一為辦公室。車內設前後門警崗二處。維持車內秩序。幫同醫生開導旅客。列車到站。所有上車旅客。一律先登檢驗車。由醫員查驗。如有疑似染疫者。即送至醫藥車隔離室。並須於未到次站之前。一律驗畢。將車輛騰空。以便次站收容搭客。南下查驗車及醫藥車。掛至順德摘下。由北上車到站掛回。（此

項查驗車。於改定站上查驗時取消。

北京長辛店保定正定四站。各設常備醫藥車一輛。（後增加良鄉琉璃河高碑店二站）。如有疫病發現。即將病人立時安置車內。俟列車到時。帶赴防疫院。此項常備車。隨時消毒。嚴行鎖閉。派人看守。懸掛特別標號。以免無疫者誤入。並防有疫者竊出。

車上發見疫症改定辦法。尋常車內發見疫症。立即將該車完全封鎖。病人送至醫藥車內。其餘旅客。視其距離病人之遠近。由醫生酌量分別消毒。

分派西醫總理北京至石家莊及石家莊至順德各段防疫事務。

規定防疫施行細則。此項細則。依據一月十六日政府公布之火車檢疫規則。按之本路情形暨防疫實施各辦法規定之。計六章四十二條。另文刊布。

長辛店預備防疫一切事務。

正定布置檢驗所防疫院。

設立本局防疫事務所。（詳見上）

琉璃河高碑店定州預備檢驗所房屋。

添募防疫衛生巡警。規定辦事暫行規則。本路各站巡警。平時勉敷分布。此項衛生巡警。專司

關於站上車上防疫之巡查照料各事宜。亟應臨時添募。以專責成而資分布。所有站上車上配置人數列表於左。

防疫衛生巡警配置表(表列人數以最多時為據)

站名	人數	附註
北京前門	一二	內有護車來往者
長辛店	〇四	
良鄉	四	
琉璃河	二	
高碑店	六	
保定	一四	
定州	八	
正定	一〇	
石家莊	六〇	
高邑	一〇	

京漢鐵路防疫始末記

順德

二〇

內有護車來往者

鄭州

八

鄆城

四

護車來往

漢口大智門

六

六 第二時期辦理防疫情形

(自一月下旬至二月上旬)

平山縣發現疫症。該處距離正定石家莊甚近。據各方面電告。即經電陳交通部轉請內務部迅飭地方官。在該處隔離防疫。

派醫員赴山西一帶考查疫勢。除由本路醫員陸長樂實地考察外。並轉託太原楊醫士懷德將山西每日防疫情形告知陸長樂。有關於本路者。隨時電陳本路防疫會。俾得最確最速之消息。一方面可據以酌定各站留驗辦法。一方面得以減縮留驗期間。以期有益於運輸。預備就站檢驗。

九站設立檢驗所。長辛店至順德府段內。設立檢驗所者。計 良鄉 琉璃河 高碑店 保定府 定州 正定府 石家莊 高邑 順德府

各小站停閉。長辛店至順德段內。除設立檢驗所九站外。其餘各小站。於二月一日及二月三日先後停閉。以杜旅客繞越。務使來自疫區之客。非經驗出確未染疫者。不能在本路搭車。電請主管部飭地方官派警協助本路醫員辦理防疫。

檢驗所覓屋辦法。在各該站附近租賃客店民房。或由地方官商會撥借適宜處所。如無房可覓。即停止售票。各站檢驗所留驗所。臨時選覓房屋。最爲困難之問題。欲求足敷布置之屋。固屬絕無。即遷就適用者。亦屬僅有。且地方風氣所拘。既明知爲防疫之用。租賃更復不易。又如石家莊一帶。上年水患極鉅。房屋多被淹塌。而該站平時搭客。約平均三百人以上。正定高邑。亦不下百人。覓租相當房屋。極不易得。不得已商同地方官將各該站所有客棧。全行租用。石家莊計用客棧十家。正定貨棧二家。高邑客棧兩家。其餘各站。或租寺廟。或租民房。經營布置。咄嗟立辦。得力於地方官之協助良多。就覓屋困難情形研究之。關於防疫所用房屋。亟應特別預備。此項房屋。既須距站不遠。又須在稍僻之處。平時可供路警道夫之用。設遇防疫。可免臨時竭蹶。檢驗所留驗時期。旅客自定州正定石家莊三站搭車者。留驗二日至五日。保定搭車者。留驗一日。均由醫員隨時體察情形。酌定電由本局實行。以上四站旅客。除當地警察證明確係本地居民。並非由他處回鄉。亦無外來客人於近日至其家內。並經本路醫生驗過無疫者。方准